

**Bosna i Hercegovina**  
**Federacija Bosne i Hercegovine**  
**Bosansko-podrinjski kanton Goražde**  
**SKUPŠTINA KANTONA**

---

Broj: 01-01-405/13

Goražde, 5. juna 2013. godine

Skupština Bosansko-podrinjskog kantona Goražde na 8. vanrednoj sjednici, održanoj 5. juna 2013. godine razmatrala je Preporuke Ekspertne grupe za promjenu Ustava Federacije Bosne i Hercegovine s osvrtom na Bosansko-podrinjski kanton Goražde, pa na osnovu člana 106. i 109. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 10/08), jednoglasno, **d o n o s i**:

**Z A K L J U Č K E**

1. Skupština Bosansko-podrinjskog kantona Goražde smatra da ponuđene preporuke za promjenu Ustava Federacije Bosne i Hercegovine nisu dovoljne i da je u Bosni i Hercegovini potrebna cjelovita ustavna reforma kroz promjenu Ustava Bosne i Hercegovine na način da u Bosni i Hercegovini postoje samo dva nivoa vlasti opštinski i državni.

2. Predloženim preporukama za izmjenu Ustava Federacije BiH neće se postići funkcionalna i efikasna rješenja, naprotiv trajno će se zadržati postojeća rješenja na nivou Bosne i Hercegovine, kao i asimetrična rješenja u entitetima.

3. Iako Ekspertna grupa u analizi i preporukama kao jedan od ključnih razloga za potrebu promjena Ustava Federacije navodi skup i neefikasan državni aparat u kantonima i na nivou Federacije, ona, Ekspertna grupa predlaže da kantoni i Federacija koji najviše koštaju i koji su najneefikasniji i dalje egzistiraju, a da se ukidanjem kantona (do 50.000 stanovnika) spasi Federacija i Bosna i Hercegovina.

4. Predloženim rješenjima kroz preporuke očigledno je da se kroz smanjenje broja kantona, a kroz „okrupnjavanje“ teritorija budućih kantona stvara preduslove za treći entitet i to na prostoru Federacije Bosne i Hercegovine.

5. Takozvana Ekspertna grupa predlaže da se jednostrano, promjenom Ustava Federacije Bosne i Hercegovine ukine Bosansko-podrinjski kanton Goražde i da se bez prethodne saglasnosti Bosansko-podrinjskog kantona Goražde njegova teritorija pripoji drugom Kantonu, što uvodi princip koji bi mogao imati nesagledive posledice po Bosnu i Hercegovinu i Federaciju Bosne i Hercegovine. Ako bi se ovakav retrogradan, nasilan i protivustavni čin primjenio, to bi na isti način dalo pravo Bosansko-podrinjskom kantonu Goražde da jednostrano odluči o svom statusu u okviru Federacije Bosne i Hercegovine i Bosne i Hercegovine. Ustavom Bosansko-podrinjskog kantona Goražde propisano je da se dio teritorije, kao ni cijela teritorija Kantona ne može pripojiti drugom Kantonu bez saglasnosti Skupštine Bosansko-podrinjskog kantona Goražde. Ustavom Federacije (član 1.), uspostavljena je Federacija Bosne i Hercegovine koja se sastoji od federalnih jedinica sa jednakim pravima i odgovornostima.

6. U analizi koja je sastavni dio preporuka Ekspertne grupe, zlonamjerno su izneseni podaci da su u Bosansko-podrinjskom kantonu Goražde najveći troškovi po uposlenom u javnoj upravi i da je to jedan od razloga za ukidanje Kantona. Prema zvaničnim podacima iz analize Vlade i Ministarstva za finansije Bosansko-podrinjskog kantona Goražde ovi troškovi ako se uporede u deset kantona su sredina, osim toga Kanton nije opterećen, kao neki drugi kantoni millionskim obavezama po osnovu sudskih presuda, kolapsu javnih preduzeća i slično.

7. Ekspertna grupa, prijedlogom da se ukine Bosansko-podrinjski kanton Goražde, predlaže konačnu realizaciju projekta iseljavanja Bošnjačkog naroda sa Drine. Očigledno je da je izgradnja obećane brze ceste, izostanak bilo kakvih investicionih projekata i konkretne pomoći svih ovih godina imalo za cilj da se podstakne što veće iseljavanje stanovništva sa prostora Bosansko-podrinjskog kantona Goražde. Niko nema pravo da zanemari ogromne žrtve u odbrani Bosne i Hercegovine na ovim prostorima. Predložena rješenja od strane Ekspertne grupe imaju za cilj da građani i privreda svoja prava ubuduće ostvaruju u Sarajevu koje je udaljeno 100 km od Goražda, a da se ukidanjem kantonalnih organa i institucija određeni broj uposlenih stručnih kadrova ostavi bez posla.

8. Skupština Bosansko-podrinjskog kantona Goražde odbacuje preporuku 169. i druge prijedloge Ekspertne grupe o ukidanju Bosansko-podrinjskog kantona Goražde. Ukoliko se i dalje insistira na teritorijalnom preustrojstvu i reorganizaciji Federacije Bosne i Hercegovine, a vezano za status kantona-županija Skupština Bosansko-podrinjskog kantona Goražde predlaže ukidanje svih kantona u Federaciji Bosne i Hercegovine.

9. Skupština Bosansko-podrinjskog kantona Goražde prihvata stavove i zaključke Vlade Bosansko-podrinjskog kantona Goražde vezano za analizu i preporuke takozvane Ekspertne grupe, broj: 03-01-807/13 od 14. maja 2013. godine.

10. Skupština Bosansko-podrinjskog kantona Goražde traži od Vlade Federacije Bosne i Hercegovine, kao predlagača Nacrta Zakona o izmjenama i dopunama Zakona o pripadnosti javnih prihoda u Federaciji Bosne i Hercegovine da povuče iz parlamentarne procedure navedeni Zakon, odnosno da se isti ne razmatra niti usvaja iz razloga već planiranog donošenja novog Zakona u 2014. godini.

11. Skupština Bosansko-podrinjskog kantona Goražde obavezuje poslanike u Predstavničkom domu i Domu naroda Federacije BiH da iznose i zastupaju stavove Bosansko-podrinjskog kantona Goražde i da bez saglasnosti Skupštine Bosansko-podrinjskog kantona Goražde ne mogu ni u jednoj fazi podržati promjene Ustava Federacije BiH.

**PREDJSEDAVAJUĆI SKUPŠTINE**

Suad Došlo

**Bosna i Hercegovina  
Federacija Bosne i Hercegovine  
Bosansko-podrinjski kanton Goražde  
SKUPŠTINA KANTONA**

---

Broj: 01-01-405-113  
Goražde, 5. juna 2013. godine

Skupština Bosansko-podrinjskog kantona Goražde na 8-moj vanrednoj sjednici, održanoj 5. juna 2013. godine razmatrala je Preporuke Ekspertne grupe za promjenu Ustava Federacije Bosne i Hercegovine s osvrtom na Bosansko-podrinjski kanton Goražde, pa na osnovu člana 106. i 109. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 10/08), jednoglasno, **d o n o s i**:

**Z A K L J U Č A K**

Deklaraciju i Zaključke vezane za preporuke Ekspertne grupe za promjenu Ustava Federacije Bosne i Hercegovine s osvrtom na Bosansko-podrinjski kanton Goražde, **d o s t a v i t i**:

- Ambasadi SAD u BiH;
  - Britanskoj ambasadi u BiH;
  - OHR-u
  - OSCE-u
  - Predsjedniku Federacije BiH, gosp. Živko Budimir;
  - Potpredsjedniku Federacije BiH, gosp. Svetozar Pudarić;
  - Potpredsjedniku Federacije BiH, gosp. Mirsad Kebo;
  - Predsjedavajućem Doma naroda Parlamenta FBiH, gosp. Radoje Vidović;
  - Predsjedavajućem Predstavničkog doma Parlamenta FBiH, gosp. Fehim Škaljić;
  - Predsjedniku Ustavne komisije Doma naroda Parlamenta FBiH, gosp. Zoran Jovanović;
  - Predsjedniku Ustavne komisije Predstavničkog doma Parlamenta FBiH, gosp. Irfan Ajanović;
  - Vladi Federacije BiH;
  - Centrali SDP-a Sarajevo;
  - Centrali SDA Sarajevo;
  - Kantonalnom vijeću SzBiH Sarajevo;
  - Centrali SBB Sarajevo;
  - Centrali BPS-a Sarajevo;
  - Centrali LDS-a Sarajevo;
  - Centrali NSRZB Sarajevo;
  - Članovima Ekspertne grupe za promjenu Ustava FBiH;
  - Načelniku Općine Goražde, gosp. Muhamed Ramović;
  - Načelniku Općine Foča- Ustikolina, gosp. Zijad Kunovac;
  - Načelniku Općine Pale-Prača, gosp. Asim Zec;
  - Predsjedavajućoj Općinskog vijeća Općine Goražde, g-đa Jelena Mirković;
  - Predsjedavajućem Općinskog vijeća Općine Foča-Ustikolina, gosp. Pero Mihajlović;
  - Predsjedavajući Općinskog vijeća Pale-Prača, gosp. Ibrahim Komarica;
  - Vladi BPK-a Goražde
  - a/a.
- PREDSJEDAJUĆI SKUPŠTINE**  
Suad Došlo

**Poštujući Ustav Bosne i Hercegovine, Ustav Federacije Bosne i Hercegovine i Ustav Bosansko-podrinjskog kantona Goražde,**

**Polazeći od svojih ustavnih ovlaštenja, kao nosilac zakonodavne vlasti u Bosansko-podrinjskom kantonu Goražde,**

**Uzimajući u obzir geografske, ekonomske i historijske osobenosti Bosansko-podrinjskog kantona Goražde, te dostignuti stepen ekonomskog i društvenog razvoja,**

**Svjesni potrebe da se promjenama Ustava Federacije Bosne i Hercegovine stvaraju uslovi za efikasniji, racionalni i prihvatljiviji koncept ustavnog uređenja, kao i želje da se ovim ustavnim promjenama pokrene postupak ustavnih reformi u Bosni i Hercegovini,**

**Podsjećajući da deset ravnopravnih kantona čine Federaciju Bosne i Hercegovine,**

**Skupština Bosansko-podrinjskog kantona Goražde iskazuje svoj politički stav u odnosu na Prijedlog preporuka za promjene Ustava Federacije Bosne i Hercegovine predložene od Ekspertne grupe, na 8. vanrednoj sjednici održanoj 5. juna 2013. godine i d o n o s i:**

#### **D E K L A R A C I J U**

**Bosansko-podrinjski kanton Goražde podržava sve inicijative koje imaju za cilj ustavne promjene prevashodno Bosne i Hercegovine, njenih entiteta, distrikta Brčko i kantona, a u cilju stvaranja efikasnijeg, racionalnijeg i politički prihvatljivog ustavnog uređenja za sve građane Bosne i Hercegovine.**

**Skupština Bosansko-podrinjskog kantona Goražde izražava nezadovoljstvo načinom na koji je Ekspertna grupa tretirala ovaj Kanton u cijelom procesu priprema za izradu Nacrta preporuka za promjenu Ustava Federacije Bosne i Hercegovine.**

**Predložene preporuke za promjenu Ustava Federacije Bosne i Hercegovine, a koje se odnose na kantone su uradjene selektivno bez prave ekonomske analize i uzimanja u obzir geografskih, demografskih, ekonomskih i historijskih činjenica sa već formiranim stavom da je Bosansko-podrinjski kanton Goražde suvišan i da isti treba da bude ukinut ili pripojen drugom kantonu.**

**Ovakve preporuke su apsolutno neprihvatljive za Bosansko-podrinjski kanton Goražde i predstavljaju jasan signal građanima ovog Kantona da svoju sudbinu i sudbinu budućih generacija ne treba da vežu za ovaj prostor unatoč najvećim žrtvama koje je ovaj prostor doživio u bližoj nam prošlosti.**

***Bez obzira na sve inicijative, o sudbini Bosansko-podrinjskog kantona Goražde odlučivat će Skupština i građani Bosansko-podrinjskog kantona Goražde kako je to i predviđeno u Ustavu Bosansko-podrinjskog kantona Goražde.***

***Skupština Bosansko-podrinjskog kantona Goražde obavezuje poslanike u Predstavničkom domu Parlamenta Federacije BiH i delegate u Domu naroda Parlamenta Federacije BiH da iznose i zastupaju stavove Bosansko-podrinjskog kantona Goražde i da bez saglasnosti Skupštine Bosansko-podrinjskog kantona Goražde ne mogu ni u jednoj fazi podržati promjene Ustava Federacije Bosne i Hercegovine.***

***Broj: 01-01-404/13  
5. juna 2013. godine  
G o r a ž d e***

***PREDSJEDAVAJUĆI SKUPŠTINE***

***Došlo Suad***